



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՒՈՒ ՄԱՐԶԻ ԱԼԱՎԵՐԴԻ ՀԱՄԱՅՆՔԻ ԱՎԱԳԱՆԻ**

**ՈՐՈՇՈՒՄ**

**13 փետրվարի 2024 թվական, N 18-Ա**

**«ԳԵՎՈՐԳՅԱՆ ԵՎ ՆԵՐՍԻՍՅԱՆ» ՍՊ ԸՆԿԵՐՈՒԹՅԱՆ ՏՆՕՐԵՆ Ե. ԳԵՎՈՐԳՅԱՆԻ ԳՐՈՒԹՅՈՒՆԸ ՔՆՆԱՐԿԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ԱԼԱՎԵՐԴԻ ՀԱՄԱՅՆՔԻ ԱԼԱՎԵՐԴԻ ՔԱՂԱՔԻ ԶՐԱՎԱԶԱՆ ՓՈՂՈՑԻ ԱՐԵՎՄՏՅԱՆ ՄԱՍՈՒՄ ՀԱՍՑԵՈՒՄ ԻՐԱԿԱՆԱՑՎՈՂ ՄՍԾ-Ի ԱԼԱՎԵՐԴԻ ՏԿ-Ի ՇԵՆՔԻ ԿԱՌՈՒՑՄԱՆ ՇԻՆԱՐԱՐՈՒԹՅԱՆ ԹՈՒՅԼՏՎՈՒԹՅԱՆ ԺԱՄԿԵՏԸ ԵՐԿԱՐԱԶԳԵԼՈՒ ՀԱՄԱՐ ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ՄԻՋՈՑՆԵՐ ԿԻՐԱՌԵԼՈՒ ՄԱՍԻՆ**

Հայաստանի Հանրապետության Լոռու մարզի Ալավերդի համայնքի ավագանու նիստում քննարկման է դրվել Ալավերդի համայնքի Ալավերդի քաղաքի Ջրավազան 7/1 հասցեում ՄՍԾ-ի Ալավերդի ՏԿ-ի շենքի կառուցման շինարարություն իրականացնող կազմակերպությանը՝ «ԳԵՎՈՐԳՅԱՆ ԵՎ ՆԵՐՍԻՍՅԱՆ» ՍՊ ընկերությանը (այսուհետ՝ Ընկերություն), 2019 թվականի ապրիլի 08-ին տրված թիվ 09 շինարարության թույլտվության ժամկետը երկարաձգելու հանգամանքով պայմանավորված, վարչական տույժի ենթարկելու հիմքերի առկայության հարցը, որի քննարկման համար հիմք է հանդիսացել Ընկերության կողմից շին. աշխատանքների կատարման ժամկետը խախտելու վերաբերյալ 01.02.2024թ. դիմում-հիմնավորումը և ՀՀ աշխատանքի և սոցիալական հարցերի նախարարության գլխավոր քարտուղարի կողմից լիազորված անձ՝ «ՀայԳյուղՇինՆախագիծ» ՍՊ ընկերության կողմից 19.01.2024թ. N ՎՀ-05 դիմումը շին. թույլտվության ժամկետը երկարաձգելու մասին: Ընկերությունը 2024 թվականի փետրվարի 1-ին դիմել է Ալավերդի համայնքի ղեկավարին՝ խնդրելով երկարաձգել վերոնշյալ շինարարության թույլտվության ժամկետը մինչև 01.06.2024 թվականը: Դիմումով ներկայացվել է բացատրություն-հիմնավորում, որով ներկայացվել են շինարարության թույլտվությամբ սահմանված ժամկետն Ընկերության կողմից պահպանվելու անհնարինության և ժամկետը չպահպանելու պատճառների հարգելիության մասին Ընկերության փաստարկները և հիմնավորումները:

Իր հիմնավորման մեջ Ընկերության տնօրենը վկայակոչել է, որ ՄՍԾ-ի Ալավերդի ՏԿ-ի շենքի կառուցման աշխատանքները ձեռք է բերվել 06.02.2020թ. կնքված SPAP II W-1.1.1/1.TC պայմանագրով, որով սահմանված ժամկետները խախտվել են անկախ իր մեղքից՝ պայմանավորված Հայաստանի Հանրապետությունում նոր կորոնավիրուսային հիվանդության տարածման լրջագույն վտանգով: ՀՀ Կառավարության 16 մարտի 2020 թվականի N 298-Ն որոշմամբ, 2020 թվականի մարտի 16-ից մինչև 2020 թվականի ապրիլի 14-ը հայտարարված է եղել արտակարգ դրություն, որից հետո համաճարակային իրավիճակը շարունակել է մնալ լարված, հիվանդությունը ստացել է լայնածավալ տարածում, և երկրում առաջացել է համաճարակ, այնուհետև ՀՀ կառավարության 11

սեպտեմբերի 2020 թվականի N 1514-Ն որոշմամբ, 2020 թվականի սեպտեմբերի 11-ից մինչև 2021 թվականի հուլիսի 11-ը սահմանվել է կարանտին: Նշված հանգամանքներով պայմանավորված՝ շուրջ 2 տարի շարունակ Հայաստանի Հանրապետությունում սահմանված են եղել տեղաշարժվելու և տնտեսական գործունեություն իրականացնելու ազատությունների էական սահմանափակումներ, որոնք էապես խոչընդոտել են մինչ այդ իրավական ռեժիմների առաջացումը պլանավորված շինարարության իրականացումն ու ավարտը այն ժամկետներում, որոնք ի սկզբանե պլանավորվել են ու համարվել իրատեսական:

Ընկերության տնօրենը վկայակոչել է նաև 2020 թվականի սեպտեմբերի 27-ից սկսված պատերազմը և դրանով պայմանավորված՝ Հայաստանի Հանրապետությունում ՀՀ Կառավարությամբ 27 սեպտեմբերի 2020 թվականի N 1586-Ն որոշմամբ հայտարարված ռազմական դրությունն ու զորահավաքը, որոնք ևս էապես վնասել են իրականացվող շինարարության իրականացմանը և ոչ պակաս խոչընդոտներ են առաջացրել շինարարության համար, ընդ որում՝ խոչընդոտները պատերազմի ավարտով չեն ավարտվել և շարունակվել են նաև հետպատերազմական շրջանում՝ առնվազն մինչև 2021 թվականի հուլիսի ամիսը, այսինքն՝ ներառել են նաև երկրորդ շինարարական սեզոնի զգալի մասը:

Փաստորեն, Ընկերությունը տնօրենի պնդմամբ, գրեթե ամբողջությամբ զրկվել է պլանավորված շինարարության ժամկետում ներառված երկու սեզոններից մեկում շինարարություն իրականացնելու հնարավորությունից, ինչը և անհնարին է դարձրել շինարարության ավարտը նախապես պլանավորված ժամկետներում:

Այսպիսով, Ընկերության դիրքորոշումն այն է, որ շինարարության թույլտվությամբ սահմանված 24-ամսյա ժամկետից ավելի քան 15 ամսվա ընթացքում Ընկերությունը փաստացի զրկված է եղել շինարարությունը լիարժեք ծավալներով իրականացնելու հնարավորությունից, ինչը պայմանավորված է եղել Ընկերության մեղքից անկախ առաջացած հանգամանքներով, Ընկերության բնորոշմամբ՝ ֆորս-մաժորային իրավիճակով, որը ներառել է շինարարության թույլտվության ժամկետում ներառված ամենաբարենպաստ ժամանակահատվածի մեծ մասը և այդպիսով անհնարին է դարձրել շինարարության ավարտն այն ժամկետում, որը նշված է շինարարության թույլտվության մեջ:

Վերոգրյալի հաշվառմամբ Ընկերությունը խնդրել է հաստատված համարել, որ տեղի ունեցած ժամկետի չպահպանման մեջ բացակայում է Ընկերության մեղքը և այդ հիմքով զերծ մնալ Ընկերության նկատմամբ վարչական պատասխանատվության միջոցներ կիրառելուց:

Շինարարության թույլտվությամբ սահմանված ժամկետը չպահպանելու համար իրավական պատասխանատվություն է սահմանված Վարչական իրավախախտումների վերաբերյալ ՀՀ օրենսգրքի 154.1 հոդվածով, այսինքն՝ տվյալ արարքը դասակարգված է որպես վարչական զանցանք, ուստի դրա առկայությունը պարզելու և վարչական պատասխանատվության միջոցներ կիրառելու հարցը քննարկելիս անհրաժեշտ է հաշվի առնել, թե անձի գործողություններում առկա՞ է արդյոք նրա մեղքը, որը հանդիսանում է զանցանքի առկայության և պատժելիության առանցքային նախապայման:

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, **մեղավոր (դիտարկողյալ կամ անզգույշ) այնպիսի գործողությունը կամ անգործությունը**, որի համար օրենսդրությամբ նախատեսված է վարչական պատասխանատվություն:

ՀՀ սահմանադրական դատարանն իր որոշումներից մեկով արձանագրել է, որ վարչական պատասխանատվության սկզբունքներից է «պատասխանատվությունը մեղքի համար» սկզբունքը, ինչը նշանակում է, որ վարչական տույժը (պատասխանատվությունը) կարող է կիրառվել միայն վարչական իրավախախտում կատարելու մեջ մեղավոր անձի նկատմամբ: Հետևաբար՝ մեղքը, որպես վարչական զանցակազմի սուբյեկտիվ կողմի պարտադիր տարր, հանդիսանում է վարչական պատասխանատվության իրավական միակ նախապայմանն ու նախադրյալը (տե՛ս ՀՀ սահմանադրական դատարանի 2010 թվականի հոկտեմբերի 12-ի թիվ ՍԴՈ-920 որոշումը):

ՀՀ սահմանադրական դատարանն այլ դեպքում անդրադառնալով վարչական իրավախախտման սուբյեկտի մոտ մեղքի հնարավոր տարատեսակներին ու դրանց բովանդակությանը՝ արձանագրել է, որ սուբյեկտը մի դեպքում՝ դիտավորությամբ, մեկ այլ դեպքում՝ անզգուշությամբ զանցանք կատարելիս գիտակցում է», «կանխատեսում է» իր գործողության կամ անգործության հակաիրավական բնույթը (տե՛ս՝ ՀՀ սահմանադրական դատարանի 2012 թվականի սեպտեմբերի 19-ի թիվ ՍԴՈ-1048 որոշումը):

Մեկ այլ որոշմամբ ՀՀ սահմանադրական դատարանը, կրկին անդրադառնալով իրավական պատասխանատվության միջոցների իրավաչափությանը, ոչ իրավաչափ է համարել անձի կողմից բացասական հետևանքների կրումը՝ իր մեղքից անկախ պատճառով: Նույն որոշմամբ Սահմանադրական դատարանը զարգացրել է ՍԴՈ-920 որոշմամբ արտահայտված իրավական դիրքորոշումը ձևակերպել, որ պատասխանատվության հանրային-իրավական սկզբունքների, այդ թվում՝ մեղքի առկայությունն անհրաժեշտ է ոչ միայն վարչական, այլև, ընդհանրապես, իրավական պատասխանատվության ցանկացած միջոցի կիրառման համար (տե՛ս ՀՀ սահմանադրական դատարանի 2014 թվականի հունիսի 03-ի թիվ ՍԴՈ-1153 որոշումը):

Անդրադառնալով «անհաղթահարելի ուժ» եզրույթին՝ ՀՀ վճռաբեկ դատարանն արձանագրել է, որ ձեռնարկատիրական գործունեություն իրականացնելիս պարտավորությունը չկատարած կամ անպատշաճ կատարած անձը ենթակա չէ պատասխանատվության միայն այն դեպքում, եթե ապացուցի, որ պատշաճ կատարումն անհնար է եղել անհաղթահարելի ուժի, այսինքն՝ տվյալ պայմաններում արտակարգ և անկանխելի հանգամանքների հետևանքով (տե՛ս «Արդշինինվեստբանկ» ՓԲԸ-ն ընդդեմ «Լանդրաս» ՍՊԸ-ի թիվ ԵՔԴ/0595/04/08 քաղաքացիական գործով ՀՀ վճռաբեկ դատարանի 17.04.2009 թվականի որոշումը):











Այսպիսով, Սահմանադրական և Վճռաբեկ դատարանների վերոնշյալ իրավական դիրքորոշումների և վերոգրյալ իրավանորմերի համակարգային վերլուծությունը վկայում է, որ իրավական պատասխանատվության ցանկացած միջոցի, ներառյալ՝ վարչական տույժի կիրառումը, հնարավոր և թույլատրելի է բացառապես այն դեպքում, երբ ենթադրյալ իրավախախտումը թույլ է տրվել համապատասխան սուբյեկտի մեղքով: Իսկ անհաղթահարելի ուժի, այսինքն՝ տվյալ պայմաններում արտակարգ և անկանխելի հանգամանքների հետևանքով պարտականությունների պատշաճ կատարման անհնարինության ապացույցը բացառում է մեղքի (դիտավորյալ կամ անզգույշ) առկայությունը:





Տվյալ դեպքում, քննարկելով Ընկերության դիմումը, լսելով Ընկերության փաստարկները և հիմնավորումները անհաղթահարելի ուժի ազդեցության հետևանքով շինարարության իրականացման ժամկետի խախտման վերաբերյալ, հիմք ընդունելով վերոնշյալ իրավանորմերը և Սահմանադրական դատարանի մեկնաբանությունները, ղեկավարվելով Հայաստանի Հանրապետության «Տեղական ինքնակառավարման

մասին» օրենքի 18-րդ հոդվածի 1-ին մասի 42-րդ կետով, ՀՀ քաղաքական օրենսգրքի 417-րդ հոդվածով՝

համայնքի ավագանին **որոշում է.**

1. «ԳԵՎՈՐԳՅԱՆ ԵՎ ՆԵՐՍԻՍՅԱՆ» ՍՊ ընկերության կողմից Ալավերդի համայնքի Ալավերդի քաղաքի Ջրավազան փողոցի արևմտյան մասում 2019թ. ապրիլի 08-ի թիվ 09 շինարարության թույլտվության հիման վրա իրականացվող ՄՍԾ-ի Ալավերդի ՏԿ-ի շենքի կառուցման շինարարությունը սահմանված ժամկետում չավարտելու պատճառները համարել հարգելի՝ պայմանավորված անհաղթահարելի ուժի առկայությամբ և դրանով իսկ հաստատված համարել, որ ընկերության մեղքը ստեղծված իրավիճակում բացակայում է:
2. Առաջարկությամբ դիմել Ալավերդի համայնքի ղեկավարին և ողջ աշխատակազմին՝ առաջարկելով զերծ մնալ «ԳԵՎՈՐԳՅԱՆ ԵՎ ՆԵՐՍԻՍՅԱՆ» ՍՊ ընկերության նկատմամբ վարչական իրավախախտումների վերաբերյալ ՀՀ օրենսգրքի 154.1 հոդվածի հատկանիշներով վարույթ հարուցելուց և ընկերության նկատմամբ վարչական տույժ կիրառելուց:
3. Սույն որոշումն ուժի մեջ է մտնում հրապարակմանը հաջորդ օրվանից:

			ԿՈՂՄ	ԴԵՄ	ՁԵՌՆՊԱՀ
	ԴԱՎԻԹ	ՂՈՒՄԱՇՅԱՆ			
2.	ԼՈՐԱ	ՍԱՐԳՍՅԱՆ			
3.	ՀԱՄԼԵՏ	ՂՈՒԼՅԱՆ			
4.	ԱՐՄԻՆԵ	ԵՐԻՑՅԱՆ			
5.	ՄԿՐՏԻՉ	ՄԱՐԳԱՐՅԱՆ			
6.	ՀԱՐՈՒԹՅՈՒՆ	ՁԱՎԱՐՅԱՆ			
7.	ՖԼՈՐԱ	ԹԱԹՈՒԽԱՇՎԻԼԻ			
8.	ԴԱՎԻԹ	ՍԱՐԳՍՅԱՆ			
9.	ՀՐԱՆՏ	ՀԱԽՎԵՐԴՅԱՆ			
10.	ԱՆԱՀԻՏ	ՍՄԲԱՏՅԱՆ			

11.	ԱՐՏԱԿ	ԳԵՎՈՐԳՅԱՆ			
12.	ԱՐԵՆ	ԴԱԼԼԱՔՅԱՆ			
13.	ՀԱՅԿ	ՀՈՎԱԿԻՄՅԱՆ			
14.	ՍԻՄՈՆ	ԶԱԽԱՐՈՎ			

ՀԱՄԱՅՆՔԻ ՂԵԿԱԿԱՐ



ԴԱԿԻԹ ՂՈՒՄԱՆՅԱՆ

# «ԳԵՎՈՐԳՅԱՆ ԵՎ ՆԵՐՍԻՍՅԱՆ»

ՍԱՀՄԱՆԱՓՈՎ ԴԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

ք. Երևան Նուբարաշեն 11փ. 21-26  
հեռ՝ 094 27 77 93, 010 57 17 60

ՀՀ Լոռու մարզի

Ալավերդի համայնքի ղեկավար

պարոն Դ. Ղումաշյանին

Գրություն

Հարգելի պարոն Ղումաշյան.


Համաձայն 06.02.2020թ.-ին կնքված SPAP II W-1.1.1/1.TC պայմանագրի, մեր կազմակերպությունն իրականացնում է ՄԱՕ-ի Ալավերդի ՏԿ-ի կառուցման աշխատանքները:

Հայտնում ենք, որ շինաշխատանքները պայմանագրով սահմանված ժամկետում չենք ավարտել, քանի որ դրանց իրականացման ընթացքում մեր հանրապետությունում տեղի են ունեցել ֆորս-մաժորային իրավիճակներ: Կառավարության 16 մարտի 2020 թվականի N 298-Ն որոշմամբ 16.03.2020 թվականից մինչև 11.09.2020 թվականը՝ 6 ամիս, հանրապետությունում հայտարարվել է արտակարգ դրություն կապված, որի ընթացքում դադարեցվել են բոլոր տեսակի աշխատանքները, համաձայն ՀՀ կառավարության 11 սեպտեմբերի 2020 թվականի N 1514-Ն որոշման 11.09.2020 թվականից մինչև 20.06.2022 թվականը ներառյալ սահմանված է կարանտին, որը էապես դժվարացնում է աշխատանքների իրականացումը: 27.09.2020 թվականին սկսվել է 44 օրյա պատերազմը և ՀՀ կառավարության 27 սեպտեմբերի 2020 թվականի N 1586-Ն որոշմամբ հայտարարվել է ռազմական դրություն ու զորահավաք: Պատերազմի ընթացքում և դրան հաջորդած ամիսներին ամբողջությամբ խաթարվել է աշխատանքների իրականացումը: Ուժգում ենք նշել, որ արտակարգ դրությունը և պատերազմը տեղի են ունեցել շինարարության համար բարենպաստ ժամանակահատվածում:

Հաշվի առնելով վերոնշյալը հայտնում ենք, որ մեր կազմակերպությունը միտումնավոր չէ աշխատանքների կատարման պայմանագրային ժամկետը խախտել: Խնդրում ենք Ձեզ 08.04.2019 թվականին տրված N 09 շինթույլտվության ժամկետը երկարացնել մինչև 01.06.2024 և կազմակերպության վարչական պատասխանատվության չենթարկել հաշվի առնելով վարչական իրավախախտումների վերաբերյալ ՀՀ օրենսգրքի 9-րդ հոդվածը՝ Վարչական իրավախախտում (զանցանք) է համարվում պետական կամ հասարակական կարգի, քաղաքացիների իրավունների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպսի գործողությունը, որի համար օրենսդրությամբ նախատեսված է վարչական պատասխանատվությունը, ինչպես նաև ՀՀ սահմանադրական դատարանի 2010 թվականի հոկտեմբերի 12-ի թիվ ՍԴՈ-920 որոշումը, 2012 թվականի սեպտեմբերի 19-ի թիվ ՍԴՈ-1048 որոշումը և 2014 թվականի հունիսի 03-ի թիվ ՍԴՈ-1153 որոշումը:

Հարգանքով տնօրեն՝

Ե. Գևորգյան



25.01.2024թ.



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ  
ԱԼԱՎԵՐԴԻ ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ  
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ

Հայաստանի Հանրապետության Լոռու մարզի Ալավերդի համայնք  
ՀՀ Լոռու մարզ, ք. Ալավերդի, Զ. Անդրանիկի 8/1, Հեռ. (0253) 2-41-00  
Էլ. փոստ՝ էլ. փոստ: alaverdimunicipality@gmail.com

N ԱՀ-0256/24  
23 հունվար 2024թ.

«ՀԳՇՆ» ՍՊԸ-Ի ՏՆՕՐԵՆ  
Վ. ՀՈՎԱՍԱՓՅԱՆԻՆ

Հարգարժան պարոն Հովասափյան.

Ի պատասխան Ձեր՝ 19/01/2024թ. ՎՀ-05 գրության.

Հայտնում ենք, որ ավարտված, արդեն իսկ շահագործվող շինության համար շինարարության թույլտվության երկարաձգում չի կարող տրամադրվել, քանի որ, ՀՀ օրենսդրության համաձայն, շինարարության թույլտվության երկարաձգում կատարվում է նախկինում տրամադրված և ժամկետի մեջ թույլտվության դեպքում: Ձեր կողմից նշված օբյեկտի շինարարության թույլտվության ժամկետն ավարտվել է 2021թվականին: Խնդրում ենք գրավոր հիմնավորել սահմանված ժամկետում շինարարության երկարաձգման համար չդիմելու պատճառները:

ՀԱՄԱՅՆՔԻ ՂԵԿԱՎԱՐ՝

ԴԱՎԻԹ ՂՈՒՄԱՇՅԱՆ



ՆԱԽԱԳԾՈՒ ՔԱՐԿԱՆՔԵՐՆՈՒԹՅԱՆ ԲՆԱԳՎԱԾՈՒՄ . Urban Design

ՏՆՕՐԵՆ

№ 19  
Տ/Ղ-05  
01 2024

ՀՀ Լոռու մարզի Ալավերդու Համայնքապետ  
Պարոն Դ. Ղումաշյանին

Հարգելի պարոն Ղումաշյան,

Տեղեկացնում եմ, որ բազմիցս խնդրանքով դիմել ենք ՀՀ Լոռու մարզի Ալավերդի քաղաքի համայնքապետարան, վերջինը 2023թ.-ի հոկտեմբերի 16-ի թիվ ՎՀ-213 գրությամբ, որ ՀՀ Լոռու մարզի Ալավերդու ՀՄՕՏԿ թիվ 09 08.04.2019թ.-ի տրված շինարարության թույլտվության տևողության ժամկետը երկարաձգվի մինչև ավարտված շինարարական օբյեկտն ընդունող հանձնաժողովի աշխատանքների ավարտը, հաշվի առնելով, որ կառույցի շինարարական աշխատանքները ամբողջությամբ ավարտված են և ՀՄՕՏԿ աշխատակազմը տեղում գործում է:

Հարգանքով՝

Վ. Հովասարիյան





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ  
ՆԱԽԱՐԱՐՈՒԹՅԱՆ ԳԼԽԱՎՈՐ ՔԱՐՏՈՒՂԱՐ

«09» հունվար 2024 թ.

N 8/079/213-24

ԼԻԱԶՈՐԱԳԻՐ

Ղեկավարվելով Հայաստանի Հանրապետության վարչապետի 2018 թվականի հունիսի 11-ի թիվ 700-Լ որոշմամբ հաստատված Աշխատանքի և սոցիալական հարցերի նախարարության (այսուհետ՝ Նախարարություն) կանոնադրության 26-րդ կետի 1-ին ենթակետի պահանջներով, նախարարության գլխավոր քարտուղար՝ Սամվել Պարույրի Մուրադյանս (հանրային ծառայությունների համարանիշ 1104630109, նույնականացման քարտի համար՝ 007350572, տրված՝ 09.03.2016 թ., 005-ի կողմից), հիմք ընդունելով 2015թ.-ի հուլիսի 22-ի թիվ SPAP II C-3.1.1.a, 2018թ.-ի հունիսի 20-ի թիվ SPAP 2-C-3.1.1.j և 2018 թ.-ի հուլիսի 20-ին կնքված SPAP 2-C-3.1.1i պայմանագրերը (այսուհետ՝ Պայմանագիր), լիազորում եմ «ՀայԳյուլՇինՆախագիծ» ՍՊԸ-ի աշխատակից Գագիկ Սերյոժայի Կարապետյանին (անձնագիր՝ AT0566302, տրված՝ 18.09.2020թ., 012-ի կողմից)՝

1. Քաղաքային համայնքներում. Շիրակի մարզի, ք. Արթիկի (հասցե՝ Չարենցի փ. թիվ 10/5), ք. Գյումրու (հասցե՝ Մանուշյան փ. թիվ 5/5), Լոռու մարզի Սպիտակ (հասցե՝ Երևանյան խճուղի, 87 հողամաս) և Ալավերդի (հասցե՝ Ջրավազան թաղամաս, 7/1 հողամաս) քաղաքների ՄՍԾ տարածքային կենտրոնների շինարարական աշխատանքների կատարման պատշաճ ընթացքի ապահովմամբ պայմանավորված՝ Նախարարության անունից հանդես գալ քաղաքային բոլոր ստորաբաժանումներում. «Գագայրոմ Արմենիա» ՓԲԸ-ում, «Հայաստանի



էլեկտրական ցանցեր» ՓԲԸ-ում, «Վեոլիա Ջուր» ՓԲԸ-ում և Պայմանագրով նախատեսված ծառայությունների մատուցման համար անհրաժեշտ այլ կազմակերպություններում, և իրականացնել վերոհիշյալ շենքերի նախագծման ճարտարապետահատակագծային առաջադրանքների, շինարարական թույլտվությունների, գազամատակարարման, ջրամատակարարման, էլեկտրամատակարարման, հեռախոսակապի, ՀՀ քաղաքաշինության, տեխնիկական և հրդեհային անվտանգության տեսչական մարմնի և այլ պետական և տեղական ինքնակառավարման մարմինների համաձայնությունների ու թույլտվությունների, տեխնիկական պայմանների, ավարտված շինարարական օբեկտի շահագործման և ավարտական ակտերի ստացման, դրանց վերաբերյալ պայմանագրերի կնքման աշխատանքները՝ ինչպես նաև, այդ նպատակներով հանձնել և ստանալ անհրաժեշտ փաստաթղթեր, կատարել այդ աշխատանքների համար նախատեսված համապատասխան վճարումները (տուրքեր, ծառայության վճարներ):

2. Լիազորագիրը տրվում է առանց վերալիազորման իրավունքի և ուժի մեջ է մինչև 2024 թ.-ի ապրիլի 1-ը:

1/9/2024

X

ՄՈՒՐԱԴՅԱՆ ՍԱՄՎԵԼ

Signed by: MURADYAN SAMVEL 1104630109

ԳԼԽԱՎՈՐ ՔԱՐՏՈՒՂԱՐ՝

Ս. ՄՈՒՐԱԴՅԱՆ